

RIFLESSIONE SALUTARE

(dopo una cena tra amici)

Oh gent: gh'è sciopaa la mania
De fass brusà, de fass butà via
Benintes: quand s'è mort
Coi debit scongiuri a la malasort!
Ne discoren tra amis e parent
Tant per di 'n quaicoss, come 'l fuss nient!
"Mi l'ho lassàa scritt" - "Mi ghe l'ho di a la miée".
Par gh'abien pressa de tirass foeura di péé!
El fan, d'acord, per scaramanzia
Ma mi me vegn doss 'na gran malinconia.
La fed m'assicura ch'el risorgerà anca 'l corp
Che l'è de rispetà anca de mort.

El Signor che l'ha creàa del nient tutt l'Univers
El sarà bon de dag vita, quest l'è cert,
Anca a quei oss che fusser brusàa e dispers.
Ma savì perché l'ultima caa se dis "cimiteri"?
El vegn dal greco e 'l voeur di "dormitori".
Se dorma quel temp ch'el Signor el vorarà
Fin quand i so angioli me vegnaran a sveglià
E se in vita gh'avrem credù
Ai so Parol, al bon Gesù
Sarem insema ai nost gent, ai nostr' amis
A fa festa per semper con Lu in Paradis!

Se va al cimiteri a troàa i noster mort
E se gh'è on po de fed l'è on gran confort
Faa scor i oeucc sui tomb e sui foss
E credig sul seri c'han de rifiorì tucc quei oss.
Vegn dent ona pas nel coeur e 'n la ment
Che se va via seren e (voeri no di on sproposit!) persin content!

da Don Arnaldo